



N°561
Entrée le 02.04.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 02.04.2024
Chambre des Députés

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 02/04/2024

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir den Interieur weiderzeleeden.

D'Regierung huet am Koalitiounsaccord festgehalten, dass se virhunn, fir eng déifgrënneg Analyse maachen iwwert de Karriäresystem bei der Police duerchzeféieren.

De Karriäresystem muss op de Leescht gehol ginn, ënnert Anerem, well ee Geriichtsuerteel vum Verfassungsgericht (Arrêt n°174 den 9ten Dezember 2022) festgehalten hat, dass de Mechanismus vun der Voie expresse ongerecht ass, well eng d'Prinzip vum der Gläichheet virum Gesetz net respektéiert.

Dat neit Policegesetz, dat den 1ten August 2018 a Kraaft getrueden ass, hat am Artikel 94 eng speziell Prozedur (d'Voie expresse) virgesinn, mat där d'Polizisten an eng méi héich Karriäre wiessele kënnen, wa si genuch Berufserfahrung nowiese kënnen. No där Reegel konnten Polizisten zum Beispill vum C1 an de B1 wiesselen. Dës Reegel ass, wéi gesot, vum Geriicht gekippt ginn.

Am Juli 2023, kuerz virun de Chamberswalen, hat den honorabelen Deputéierte Léon Gloden ee Gesetzesvorschlag (n°8280) agereecht, fir de Polizisten am C1 de Sprong an den B1 z'erméiglechen. Den honorabelen Deputéierten gouf am November 2023 den zoustännege Ressortminister fir d'Police ginn a ka soumadder seng Iddi mat enger Majoritéit an der Chamber ëmsetzen.

An deem Zesammenhang wéilt ech dem Minister dës Froe stellen:

1. Et zirkuléieren Gerüchter an der Police, dass de Minister säi Gesetzesvorschlag wéilt zeréckzéihen. Kann de Minister dës bestätegen?
Falls jo,
 - aus wéi enge Gronn hält d'Regierung net um Gesetzesvorschlag fest?
 - wat wëll ee par Rapport zu dësem änneren?
 - falls een neie Gesetzesprojet soll op den Instanzewee geschéckt ginn, wäert de Minister u senger Grondiddi aus dem Gesetzesvorschlag festhalen?
2. Den deemolegen Deputéierten hat, wéi een am Gesetzesvorschlag n°8280 noliese kann, vergiess, fir eng Fiche financière beizeleeën, fir eis ze soen, wéi vill Suen am Staatsbudget misste virgesi ginn, fir seng Iddi ze realiséieren.
 - Wéi vill Polizist:innen si vum Reklassement betraff?



www.piraten.lu

- Wéi vill Sue missten am Staatsbudget virgesi ginn, fir de Reklassement, sou wéi en am Gesetzesvorschlag 8280 virgesinn ass, ze realiséieren?
3. An der Chamberssitzung vum 12te Mäerz hat de Minister op eng mëndlech Fro vum honorabelen Deputéierten Kartheiser bestätegt, dass hien et scho Reunioune zu dësem Thema gouf den 12te Januar, 19te Februar an 8te Mäerz.
- War d'Personalverriedung bei dëse Gespréicher involvéiert? Falls jo, wéi eng Personalverriedung war mat dobäi?
 - Wäert de Minister d'Personalverriedung bei der Léisung vum Problem aktiv mat abannen?
4. An der Chamberssitzung hat de Minister och mëndlech verséichert, dass hien zu sengem Engagement steet.
- Wäert de Minister all déi Punkten, déi hien am Gesetzesvorschlag 8280 de Polizist:innen versprach huet, ëmsetzen?

Mat déiwem Respekt,



GOERGEN Marc
Deputéierten

